

मुख्यमंत्री हों तक्नीकी तरक्की दे चलदे तेजिया कन्नै बदलदे रोजगार बजार पर रोशनी पांदे होई समूलचे जम्मू-कश्मीर च रोजगार ते उद्यमशीलता लेई स्थाई रस्ते त्यार करने आस्तै यूनिवर्सिटियों ते निजी खेतर कन्नै सैहयोग पर जोर पाया। जम्मू च इक कार्यक्रम दे मगरा मीडिया कन्नै गल्लबात करदे होई मुख्यमंत्री हों आखेआ.....

<><><><><><>

Governors Appointed

राज्यपालें ते लैफ्टिनेंट गवर्नरें दे ओहदें च इक बड्डा फेरबदल करदे होई राष्ट्रपति द्रौपदी मुरमू हों लद्दाख दे उपराज्यपाल कविन्द्र गुप्ता हों गी हिमाचल प्रदाश दा नमां राज्यपाल नियुक्त कीता ऐ। साबका मुख्यमंत्री ते जम्मू कश्मीर विधानसभा दे स्पीकर गुप्ता हों शिव प्रताप शुक्ला हुंदी थाहर लैगंन। तोंआई दिल्ली दे लैफ्टिनेंट गवर्नर विनय कुमार सक्सेना हों गी लद्दाख दा नमां उपराज्यपाल नियुक्त कीता गेआ ऐ। इक होंर नियुक्ति च लैफ्टिनेंट जनरल (रिटायर) सैयद अता हसनैन हों गी बिहार दा राज्यपाल बनाया गेआ ऐ। इस फेरबदल च पच्छिम बंगाल, तेलंगाना, नागालैंड ते महाराष्ट्र च नमियां राज्यपाल नियुक्तियां बी शामिल ना।

<><><><><><>

JK –AIM

सरकार नै शासन च आर्टिफिशल इंटेलिजेंस ते उब्भरदियें तक्नीकें दे इस्तेमाल गी बढावा देने लेई जम्मू-कश्मीर आर्टिफिशल इंटेलिजेंस मिशन- दी स्थापना आस्तै गैई पुट्टियां ना। इस सरबंघै च जम्मू च सूचना प्रोद्योगिकी मैहकमे दे प्रशासनिक सचिव डाक्टर पीयूष सिंघला हुंदी अध्यक्षता च इक बैठक लग्गी ही। प्रस्तावित मिशन दा मकसद सार्वजनिक सेवा प्रदायगी च सुधार लेई चैटबॉट- स्वचालित शकैत प्रणाली ते पूर्वानुमानित विश्लेषण जनेह ए.आई. आधारित समाधानें दा समर्थन करना ऐ।

एह इक संरचित शासन तंत्र दे कन्नै आई.टी विभाग दे तैहत कम्म करोग। अधिकारियें गी निर्देश दिते गे न जे ओह अगगे बचार लेई इक ब्योरेबार अवधारणा नोट ते अमलावरी दी रुपरेखा त्यार करन।

<><><><><><>

Restrictions Kashmir

ईरान दे सर्वोच्च नेता अयातुल्लाह अली खामेनेई हुंदी मौती परैन्त हाल च होए दे विरोध-प्रदर्शनिं दे बाद एहतियात दे तौर पर अज्ज कश्मीर च पाबंदियां जारी रौहगंन। अधिकारियें आखेआ ऐ जे इस फैसले दा मकसद कनून बवस्था बनाई रखना ते कुसै बी माझी घटना गी रोकना ऐ। किश इलाकें च इस हफ्तें दी शुरुआत च प्रदर्शन होए हे-जिस करी पाबंदियां लाई गेइयां हियां। संवेदशनशील इलाकें च सुरक्षाकर्मियें गी तैनात कीता गेआ ऐ ते हालातें दे आधार पर आओ-जाई गी नियंत्रित कीता जाई सकदा ऐ। अधिकारयें दस्सेआ जे हालात पर नेइमी तक्क रखी जा'रदी ऐ ते जमीनी हालत गी दिक्खदे होई अगगे दे फैसले लैते जागंन-तां जे रमानदारी बनाई रखी जाई सकै। इसे बिच्च- मुख्मंत्री होरें लोकें अगगे शांति ते रमानदारी बनाई रखने दी अपील कीती ऐ।

<><><><><><>

Zabarwan Park

जम्मू-कश्मीर दे सैलसफा मैहकमे नै श्रीनगर च बोलवार्ड आले ज़बखान पार्क म्यूज़ियम गी 5एं बरे मगरा सैलानियें लेई फ्ही खोली दिता ऐ। मैहकमे नै आखेआ ऐ जे खित्ते दी ऐतिहासिक ते सांस्कृतिक सम्पतियें च नमें सिरेया जान भरना- उन्दी सबनें शा पैहली प्राथमिकता ऐ। सोशल मीडिया दी इक पोस्ट च सैलसफा मैहकमे नै आखेआ ऐ जे एह अजैबघर-कश्मीर दी समृद्ध विरासत -कला ते इतिहास गी प्रदर्शित करदा ऐ ते एह मकामी ते घरेलू सैलानियें दे आकर्षण दा इक बड्डा केन्द्र बनोग।

प्रशासन नै सबनें सुविधाएं ते सुरक्षा हीलें दी दस्तयाबी जकीनी बनाई दी ऐ तां जे विरासती सैलसफा गी बढावा देने दे कन्नो-कन्नी सैलानियें गी इक सुरक्षित ते यादगार अनुभव बी हासल करोआया जाई सकै।

<><><><><><>

Army Cmdr Visit

फौज दी उतरी कमान दे कमांडर लैफ्टिनेंट जनरल प्रतीक शर्मा होरें पुंछ च शाहसिताह ते राजौरी सैक्टर च हंजावाली इलाकें दा दौरा लाइयै सुरक्षा हालात ते आतंकवाद खलाफ जारी जतनें दा जायजै लैता। इस दरान उनेंगी खुफिया ग्रिड ते बन्ने आले खेतरें च आतंकवाद रोधी पैहलकदमियें गी अगगे बधाने ते फौजी कार्रवाइयें सरबन्धी त्यारियें च बाहे लेई कीते जा करदे उपाएं बारे बी जानकारी दिती गेई।

<><><><><><>

Kathua Women Day

“अंतर्राष्ट्री महिला दिवस” आले समारोहें तैहत मनाए जा’रदे महिला सप्ताह दे इक हिस्से दे तौर पर कठुआ जिले च कल खेड्डू मुकाबलें दा आयोजन कीता गेआ- जेहदे च सबनें उम्मी दियें महिलायें ते कुडियें बी हिस्सा लैता। खेड्डू स्टेडियम ते इंडोर स्पोर्ट्स काम्पलैक्स च करोआए गेदे इनें मुकाबलें च क्रिकेट-वाॅलीबाल-बैडमिंटन-टेबल टेनिस-जूडे-ताईक्वांडो ते रस्सा-कशी दे मुकाबले शामिल हे। डिप्टी कमीशनर राजेश शर्मा होरें प्रतिभागियें दी सराहना कीती ते महिलायें दा दिल बधाया जे ओह विश्वास-अनुशासन ते आरोग्य लेई खेड्डुं गी अपने जीवन दा डिस्सा बनान। सब-डिवीजनें च बी इस चाल्ली दे खेड्डू मुकाबले करोआए गे। इस सरबन्धे च आकाशवाणी समाचार कन्नै गल्ल करदे होई कठुआ दे डिप्टी कमीशनर होरें आखेआ.....

<><><><><><>

Cricket

मुम्बई दे वानखेडे स्टेडियम च जंदी रातीं मर्दे दे आई.सी.सी. टी-20 विश्व कप दे दुए सैमीफाईनल मुकाबले च भारत नै इंग्लैंड गी 7 रन्जें कन्नै हराई दिता- जेदे मगरा देसै दे होरनें हिस्सें आंगर जम्मू च बी जश्र आला माहौल बनी गेआ। भारत आसेआ दिते गेदे 254 रन्जें दे लक्ष्य दा पिच्छा करदे होई इंग्लैंड नै तय 20एं ओवरें च 7 विकेटां मुहाइयै 246 रन्ज बनाए। एहदे शा पैहले भारत नै संजू सैमसन दे 89 रन्जें दी बदौलत 253 रन्ज बनाए हे। हुन औंदे ऐतवारें अहमदाबाद दे नरेन्द्र मोदी स्टेडियम च विश्व कप दे फाईनल च भारत दा मुकाबला न्यूजीलैंड कन्नै होगा। तोंआई सैमीफाईनल च भारत दी जित्त उप्पर खुशी जतांदे होई किश लोकें आखेआ.....

<><><><><><>

YSS-JKSC

जम्मू-कश्मीर च भलेआं हेठली सतह पर खेडहें गी बढावा देने दी इक बड्डी कोशश दे तैहत जम्मू च अज्जै थमां YSS-JKSC क्रिकेट प्रीमियर लीग दी शुरुआत कीती जा'रदी ऐ। एहदा आयोजन युवा सेवाएं ते खड्डें सरबन्धी विभाग आसेया जम्मू-कश्मीर खेड्डु काउंसल दे सैहयोग कन्नै कीता जा'रदा ऐ ते एहदा मकसद खेडहें गी बढावा देना ते मकामी हुनर गी इक मंच उपलब्ध करोआना ऐ। इस प्रतियोगिता दी औपचारिक शुरुआत अज्ज संजा 5 बजे थमां जम्मू दे मौलाना आज़ाद स्टेडियम च कीता जाहगा। खेड्डु मंत्री सतीश शर्मा होर इस कार्यक्रम दे मुख्व परौहने होडना जम्मू च करोआए जा'रदे इस खेड्डु आयोजन दी बड्डी मती सराहना करदे होई इक मकामी बसनीक नै आखेआ.....

<><><><><><>